



Berchtoldus ex illustri comitum Hennenber-
gēſium familia prognatus, ob plurimas natu-
ræ dotes Moguntinensis eccleſiæ antistes electus
fuit, anno Chriſti 1476. Multæ huius præſulis egre-
gię uirtutes commemorantur, ſingularis prudētia
& autoritas, ingenij acumen, præclara facundia, &
in rebus agendis circumſpectio. præterea conſilij
maturitas, inſignis experientia, atq; laborum inui-
cta tolerātia. Fertur is eccleſiam Moguntinam tū
temporis non mediocri ære alieno prægrauatam
magna ex parte reſtituiſſe. Hinc factū ut inter prin-
cipes & præſules Germanos magnum uirtutis no-
mē ſibi compararit. Cum hoc modo per 25 annos
optimè præſuiſſet obiit, & Iacobum de Liebenſtein eius eccleſiæ Decanum
ſucceſſorem habuit. Laur. Surius, in Naucle. continuatione.